

unde achte Rade uht Unsem Lande Dithmarschen gebah-
ren/ de schölen Macht und Gewald hebben van Unsernt-
wegen tho richten/ in Pynliken und Borgerlyken Saken/
aber Lyff/ Ehre und Subt/ nah dissen Unsen beschriebenen
Rechten.

S. 1. Se schölen aberst tho Gade und synem billigem
Evangeliö Uns und Unsen Erben und Nakömelingen Her-
togen tho Holstein/ Stormarn und der Dithmarschen/ tho-
hörn und ehre se sich der Gerichtlyken Gewald underneh-
men/ einen Eed dohn/ dat se nicht willen richten noch den Lü-
de tho Rechte tho helpen nah Gabe/ Gunst effte Gründ-
schop/ sonder abne alle Middell nah Lust und Jubold disses
Unses beschriebenen Rechtens einem yderem/ he sy Arm
effte Ryk dat Recht abne Bertögeringe mededeelen.

S. 2. Und schal förder mit dem Rechtlyken Proceß der
gestalt und mahte gebolden werden/ So jemandes den an-
dern mit Rechte worum thobesprecken/ de schal by synem
Bagede/ in synem Drüddendeel/ darinne he geseten/ eine
Citation und schriftlyke Stefinge förderen/ darinnen de
Beklagede geeschet werde/ up den negstfolgenden Rechtes-
Dage vor dem Bagede/ und synen thogeordneten Raden
thoerschynen/ und dem Kläger up syne Klage im Rechten
Antwort tho geben/ und nah vorgebrachter wider Rechtly-
ker Nohturfft beyderdeel/ Rechtlykes Sprökes und Er-
kännisse thogewarten/ Und schal solcke Stefinge/ als ba-
ben beröht/ uhtgegeben werden van einem Rechtesdage

B

tho